



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

Ad Eminentissimum Archipraesulem Lotharivm Fridericvm.

urn:nbn:de:hbz:466:1-11903

Et vives, inquit, mea sola ac unica cura,
Nec reget urna eadem Te cineresq; meos.
Quin, cui dote omni par est **LOTHARIUS** heres,
Vivere, nec rebus credar abesse tuis.

Ad eundem.

IMplevit mentis magnus quot regna **PHILIPPUS**!
Dona dedit civi qualia quanta suo!
Attamen egregiis, me Judice, vincit in actis,
Heredem elegit Te sibi quod similem.
Pars laudis, **FRIDERICE**, tuæ placuisse **PHILIPPO**:
(Namque illi, cunctis est placuisse bonis)
Vos colit hinc præsens, veniens mirabitur ætas:
Tu famam æternas illius, ille tuam.

*De Reverendissimis Legatis S. Sedis Moguntinae D. CAROLO HEN-
RICO DE METTERNICH. Summae Eccl. Metrop. Custo-
de D. ANSELMO FRIDERICO AB INGELHEIM,
D. CHRISTOPHORO RUDOLPHO A STADION,
ejusdem Canonici Capitularibus &c. de quibus Auctor Histor.*

Erfordiensis pag. 354.

DUm renovat Matri juratum Erfordia foedus,
Et populi immenso fluctuat unda foro.
Haud ego detineor præstantis imagine pompæ,
Est aliquid plusquam pompa, quod hic teneat.
Magna Trias, meritas quondam latura Tiaras,
Unde sibi certam Patria spondet opem,
Siderei vultus atque hospite Numine pleni,
Cernere nescio quo vos juvat usque modo.
Nil dignum vobis, hoc solum dicere possum:
Aurea dum se se contigit ista Trias,
Tunc **TRINUM**, aut nunquam, **PERFECTUM** Erfordia vidit,
Vincitur in quo animi nobilitate genus.

*Ad Eminentissimum Archipræsulem **LOTHARIUM FRIDERICUM**.*

Qualis odorato volucris phœbœia busto
Prodit, quæ vehitur lux nova solis equis,

†† 4

Longæ

Longævnmq; refert numerosâ dote Parentem
 „ Phœnix, in terris unica semper avis.
 Talem cura dedit, Teq; ætas fessa PHILIPPI
 Rebus, LOTHARI Maxime, Moganicis.
 Ille Pater Patriæ meruit, columenq; vocari:
 Vive diu, de Te sentiet orbis idem.
 Esse homini mites, proprium fecêre sibi Dî:
 Parte hac æternos æquat uterq; Deos.
 Emicat ambobus placata modestia vultu,
 Fragantescq; genæ, dignaq; forma Deo.
 Ipse locas patriæ, somnos velut ille locavit,
 Quamq; aliis præstas, est Tibi rara quies.
 Bella alter domuit toties, pacemq; reduxit,
 Haudq; alium Martis sic petit ira virum.
 PACIFICI hinc retulit pacato nomen ab orbe;
 Es quoq; Tu, & nomen, † PACIS AMATOR, habes.
 In primis, velut alter, habes cœlestia curis,
 Plusq; animâ populum Tu, velut alter, amas.
 Omnia cum teneas magni, FRIDERICE, PHILIPPI,
 Ut numeres annos, curia, plebsq; vovent.
 †Fridericus, quasi Friedenreich Germanis.

*Ad Serenissimum Electorem Saxonie JOANNEM
 GEORGIUM*

Magna Ducum soboles, nostro Dux celsior ævo,
 Quem manet æternæ posteritatis honos.
 Mens interrita cui Proavos testatur OTHONES,
 Damniscq; aut lucro non temeranda fides.
 Per laudes conansq; Tuas, perq; ire Tuorum
 Deficiam; numero copia major erit.
 Tê sacro fudisse sinu Themis alma videtur,
 Et quæsisse Tuis per fugium Laribus.
 Haud Gnatae amplexu per Te est absterrita Mogus,
 Justos claudentem ad turpia lucra sinus.
 Hoc est Astraam sceleratis reddere terris,
 Dicare ut major laudibus, hoc fatis est.

Nam